

2.5 Adaptación de estudos

Quen teña iniciado unha titulación oficial na UVigo que estea extinta ou en proceso de extinción e desexa adaptarse ao último plan de estudos de grao implantado deberá facelo a través da secretaría virtual no prazo establecido para matrícula de continuación de estudos no apartado P.7 do anexo I.

Cando exista máis dun plan de estudos en vigor nunha titulación de grao, e mentres o último non estea implantado na súa totalidade, poderase elixir a que plan adaptarse e matricularse sempre que non se teñan que cursar materias nas que non se imparte docencia. A elección xa non será posible cando o último plan verificado estea implantado na súa totalidade.

Rematado o prazo de adaptación a través da secretaría virtual, a quen se lle resolva de forma desfavorable unha solicitude de avaliación por compensación das materias que lle restan para rematar a titulación, poderá presentar unha solicitude extraordinaria, sempre con anterioridade a data de xeración de actas, dirixida ao órgano de dirección do centro quen resolverá por delegación reitoral. A resolución favorable indicará ao solicitante as datas nas que deberá formalizar matrícula na unidade administrativa do centro de estudos.

2.6 Cambio de centro entre titulacións co mesmo plan de estudos na UVigo

Quen curse unha titulación que se imparte en máis dun centro de estudos da UVigo poderá solicitar o cambio de centro no prazo establecido no apartado P.2 do anexo I.

O número de prazas ofertadas é o recollido na columna 2.6 do cadro 1 do anexo IV e as solicitudes presentaranse polos medios relacionados no apartado L.2 do anexo III.

Resolverase por delegación reitoral polo órgano de dirección do centro, de acordo co disposto no regulamento polo que se establece o réxime de cambio de centro en titulacións de grao co mesmo plan de estudos na UVigo aprobado en Consello de Goberno de 22 de maio de 2019.

2.7 Curso de adaptación ao grao (curso ponte)

Este procedemento é para quen estea en posesión dun título de diplomado, de mestre ou de enxeñeiro técnico e desexa obter o correspondente título de grao mediante a realización dun curso ponte. O cadro 2 do anexo IV indica, a oferta de prazas para cada curso ponte, a titulación universitaria oficial requirida para o acceso, as direccións de internet onde se pode consultar a información relativa a cada curso, a forma e o modelo de solicitude a presentar e se existen ou non criterios de selección.

As solicitudes (modelo A.2.7 do anexo V) presentaranse nas datas establecidas no apartado P.3 do anexo I, xunto coa documentación indicada no apartado D.4 do anexo II, polos medios relacionados no apartado L.2 do anexo III. Quen non aporte a documentación nese momento terá tres días, contados a partir do seguinte ao do remate do prazo de solicitude, para incorporala, sendo suficiente notificación para estes efectos a información que figura nesta convocatoria sobre a documentación a presentar. Quen finalmente non presente a documentación será excluído do proceso.

Cada centro de estudos constituirá unha comisión de valoración das solicitudes admitidas a trámite que estará integrada como mínimo por un presidente, tres vogais (dous membros do profesorado e un membro do persoal de administración e servizos) e un secretario. Os centros poderán determinar que a súa comisión de recoñecementos e validacións asuma este procedemento. Cada comisión ponderará os criterios de selección segundo o baremo aprobado para cada caso.

A nota media do expediente calcularase de acordo co protocolo de colaboración subscrito entre a consellería e as universidades galegas para a valoración dos expedientes académicos, resolución do 15 de setembro de 2011, da Secretaría Xeral Técnica da Consellería de Educación e Ordenación Universitaria e o establecido no RD 1125/2003.

Resolverase por delegación reitoral polo órgano de dirección do centro. As que resulten desfavorables deberán ser motivadas e indicaranse as causas de exclusión e as reclamacións ou recursos que lle sexan aplicables.

Poderán recoñecerse materias agás o Traballo de Fin de Grao (TFG) que en ningún caso poderá ser obxecto de recoñecemento.

2.8 Requisitos formativos complementarios (RFC)

Poderán admitirse solicitudes para cursar RFC sempre que entre a oferta da UVigo estea implantado o estudo conducente ao título español ao cal se refire a homologación. Cando o título referido na resolución sexa dun plan de estudos da anterior ordenación de ensinanzas universitarias oficiais, os centros adaptarán os RFC esixidos ás materias impartidas na nova estrutura de graos, con independencia de que o título español a homologar estea extinguido.

As solicitudes (modelo A.2.8 do anexo V) dirixiranse, no prazo establecido no apartado P.4 do anexo I, ao órgano de dirección do centro xunto coa documentación indicada no apartado D.5 do anexo II, e presentaranse polo medio relacionado no apartado L.4 do anexo III.

2.9 Titulados noutras universidades para cursar unha mención no mesmo grao na UVigo

Esta opción vai dirixida a persoas tituladas por outra universidade que desexen cursar unha mención nun plan de estudos coa mesma denominación. Dado que non hai oferta de prazas aprobada para este procedemento, poderanse atender as solicitudes en función das posibilidades de organización de cada centro.

As solicitudes (modelo A.2.9 do anexo V) presentaranse no prazo establecido no apartado P.2 do anexo I, xunto coa documentación indicada no apartado D.4 do anexo II, polos medios relacionados no apartado L.2 do anexo III. De non aportar a documentación no momento da presentación terase tres días, contados a partir do seguinte ao do remate do prazo de solicitude, para incorporala sendo suficiente notificación para estes efectos a información que figura nesta convocatoria sobre a documentación a presentar. Quen finalmente non o faga será excluído do proceso de admisión por este motivo.

Resolverase por delegación reitoral polo órgano de dirección do centro.

2.10 Incorporación a un grao obxecto dun Programa Conxunto de Estudos Oficiais de Grao (PCEO)

A matrícula nun PCEO rexerase pola normativa de Programa Conxunto de Estudos Oficiais de Grao na Universidade de Vigo aprobada no Consello de Goberno de 23 de xuño de 2015 e modificada no Consello de Goberno do 12/02/2016 e do 22/07/2016.

Quen estea a cursar na UVigo un grao obxecto dun PCEO e desexe cursalo de forma conxunta coa outra titulación, poderá solicitar a súa incorporación segundo o establecido no artigo 3.3.1 da mencionada normativa.

Así mesmo quen curse un PCEO poderá optar por calquera das dúas titulacións iniciadas e abandonar a outra se cumpre co establecido no artigo 8 da mencionada normativa.

As solicitudes presentaranse no prazo establecido no apartado P.2 do anexo I polos medios relacionados no apartado L.2 do anexo III.